

## Uputstvo autorima za izradu sažetka (apstrakta)

Sažetak rada treba da sadrži najviše do 250 riječi. Sažetak se piše na jezicima koji se govore u Bosni i Hercegovini i na engleskom jeziku. Sažetak treba da sadrži sve bitne činjenice rada: svrhu rada, korištene metode, bitne rezultate (sa specifičnim podacima ako je moguće) i osnovne zaključke. Sažeci preglednih članaka treba da imaju prikaz istaknutih podataka, ideja i zaključaka iz teksta. U sažetku se ne citiraju reference. Ispod teksta sažetka treba dati najviše deset ključnih riječi na našem i na engleskom jeziku.

Primjer:

**Uvod:** Bolesnik sa *šećernom bolesti* (diabetes mellitusom) je sklon razvoju vaskularnih lezija krvnih žila svih veličina. U toku bolesti se progresivno razvijaju mikroangiopatija i ateroskleroza. **Cilj** je utvrditi da li kod pacijenata sa *diabetes mellitusom* dolazi do promjene permeabilnosti *hematoencefalne barijere* (*krvno-moždane barijere*). **Metode:** Ispitivanje je vršeno kod sedam pacijenata bez moždanog udara i sa *diabetes mellitusom*, mjerenjem: *totalnih proteina, glukoze, natrija, kalija i hlora* u likvoru (*moždana tekućina*). **Rasprava:** Vrijednosti dobivenih rezultata kod ispitanika sa *diabetes mellitusom* su da: raste nivo *totalnih proteina, glukoze i natrija*, a opada nivo *hlora i kalija* u likvoru, grupišući se oko donje granice normalnih vrijednosti. **Diskusija/Zaključak:** Na osnovu dobijenih vrijednosti utvrđeno je da dolazi do promjene permeabiliteta *hematoencefalne barijere* kod pacijenata sa *diabetes mellitusom*.